

*Suid-Afrikaanse  
Woonwa-Assosiasie*  
S.A.W.A.



*South African  
Caravan Association*  
S.A.C.A.



# Wawiel

Jaargang 33 Vol. 1



# Wapadrand

## INHOUD

INHOUD .....	BL 2
STILTETYD.....	BL 3
BESTUURSLEDE .....	BL 4
REDAKSIONEEL .....	BL 5
UIT DIE VOORSITTER SE PEN .....	BL 6 & 7
JEUG .....	BL 8 & 9
SENIORS .....	BL 10
MAKLIKE EN KREATIEWE KOMBUISWENKE ...	BL 11
TOEKENNINGS.....	BL12
BOSVELD OASE—AJV .....	BL13
ALMEGA .....	BL14 & 15
NARROW BOAT .....	BL16
LIEF EN LEED .....	BL 17
VERJAARSDAE EN	
HUWELIKSHERDENKINGS .....	BL 18
WAPADWINKEL .....	BL 18
KAMPPROGRAM 2022 .....	BL 19

## STILTETYD

'n Jong man het aansoek gedoen vir 'n bestuurspos by 'n groot maatskappy. Hy het die eerste onderhoud suksesvol afgelê, en daar was 'n opvolgonderhoud gereël sodat hy die direkteur van die maatskappy kon ontmoet.

Na aanleiding van sy CV het die direkteur gesien dat die jong man se akademiese prestasies van uitstekende gehalte was.

Die direkteur het na die jong man gekyk en vir hom gevra: "Het jy enige beurse gehad waarmee jy gestudeer het?" "My vader is oorlede toe ek een jaar oud was, dit was my moeder wat vir al my studies betaal het." "Waar het jou moeder gewerk?" "My moeder het ander mense se klere gewas "

Die direkteur vra toe die jong man om sy hande vir hom te wys. Die direkteur het na die jong man se hande gekyk, hulle was glad en perfek versorg.

"Het jy ooit jou moeder gehelp om die wasgoed te was?" "Nooit, my moeder wou altyd hê ek moet lees en studeer, en buitendien kan my moeder wasgoed baie vinniger en skoner was as wat ek ooit kon droom om dit te doen." Die direkteur sê toe vir die jong man, "Ek wil hê jy moet eers huis toe gaan en jy moet jou moeder se hande met room smeer, dan sien ek jou weer môre oggend hier"

Die jong man is huis toe om vir sy moeder te vertel van die onderhoud. Toe hy later by haar sit, sê hy vir sy moeder hy wil graag haar hande room smeer. Die jong man het sy moeder se hande in syne geneem, en toe begin die tranes oor haar hande rol, vir die eerste keer in sy lewe het hy gesien hoe vol plooië en eelte sy moeder se hande was. Plek - plek was die hande oopgebars en het sy ineengesluit toe hy dit saggies met room begin invryf. Dit was die eerste keer dat die jong man besef het dat daardie paar hande wat soveel bondels wasgoed gewas het, vir sy studiegeld betaal het. Daardie vereelde hande het sy toekoms rooskleurig geverf. Daardie stukkende hande het gesorg vir 'n uitstekende geleerdheid. Na hy sy moeder se hande goed gesmeer het, het hy die volgende bondel wasgoed opgetel en stil - stil daarmee verdwyn om dit vir haar te gaan was.

Die volgende dag het die jong man weer aangemeld by die direkteur vir sy onderhoud.

Hy het gesien die tranes sit nog baie vlak in die jong man se oë. "Het jy toe gedoen wat ek vir jou gesê het?" vra die direkteur die jong man.



"Ja, ek het my moeder se hande room gevryf, en toe het ek die res van die wasgoed vir haar gewas. Ek het nou eers besef dat ek nooit waardering gehad het vir dit wat sy al die jare vir my gedoen het nie. Sonder haar sou ek nie vandag vir hierdie pos kon aansoek doen nie. En toe ek gister daardie vreeslike bondel wasgoed was, voel dit asof my skouers wil afskeur. Toe besef ek eers hoe groot haar opoffering was deur al die jare.

"Die pos is joune," antwoord die direkteur, "eers as iemand waardering en dankbaarheid kan betoon, is hy gereed vir 'n pos met soveel verantwoordelikhede.

Kyk vandag om jou rond, daar is baie mense wat baie opgeoffer het in die lewe om ons te gee wat ons vandag het. En dan is daar 'n Hemelse Vader wat alles opgeoffer het, sodat ek en jy nie nodig het om gestraf te word vir al ons verkeerde dade nie.

Kyk na Sy Hande vandag, Hulle dra die merke van hoe Hy vir ons gely het, hoe Sy liefde ons straf gedra het. Het ons al vir Hom die nodige dank en waardering gewys vir die merke op Sy Hande?

Kom ons maak hierdie dag anders, kom ons wys waardering aan al ons geliefdes, en ons wys dankbaarheid en waardering aan ons Hemelse Vader wat so mooi na ons kyk. Sonder Sy opoffering sou ons lewens baie anders verloop het.



## Die 2022/2023 BESTUUR

VOORSITTER

Martin.a.rix@gmail.com

MARTIN RIX

Sel: 082 903 8342



ONDERVOORSITTER

DAVID BRÖNN

David.bronn@vodamail.co.za Sel: 082 878 9133



PENNINGMEESTER

LYNETTE V RENSBURG

lynettevanrensburg@gmail.com Sel: 082 068 6571



SEKRETARESSE

janettat@vodamail.co.za

JANETTA TOERIEN

Sel: 082 325 5634



NUUSBRIEFREDAKTEUR

pienaars@netactive.co.za

DALEEN PIENAAR

Sel : 082 848 7478



ADDISIONELE LID

bezuic@gmail.com

CHRISTO BEZUIDENHOUDT

Sel: 082 551 3475



## Redaksioneel

Hierdie is ons Julie-, Augustus- en Septembermaand uitgawe. Wintermaande gaan almal seker in 'n winterslapie, daar was maar min kampe. Juliemaand was ons gebiedskamp by Weesgerus, Augustus ons jaarlikse AJV by Bosveld Oase wat werklik elke keer 'n oase is en September het ons by Almega gekamp.

Baie dankie vir almal se insette en ek soek resepte asb.

*Onthou asb julle artikels en gaste!!!*

*Redaksie.*



### Wapadrand se nuwe bestuur vir 2022/2023

Vlnr: David Brönn—ondervoorsitter

Daleen Pienaar— Redakteur

Martin Rix—Voorsitter

Lynette van Rensburg—Finansies

Janetta Toerien—Sekretaresse



Christo Bezuiden-  
houdt  
Afwesig tydens foto is  
ook 'n addisionele lid  
Andy Toerien (nie  
bestuur nie) behartig  
die Seniors



## **Uit die Voorsitter se pen :**

### **Beste Wapadranders**

Die Winter is verby en ons is amptelik in Lente, maar die eerste somerreën ontwyk ons nog. Die hitte van die somer is egter ten volle met ons.

Die vorige SAWA-jaar is afgesluit en ons het amptelik met 'n nuwe SAWA-jaar begin. Wapadrand het in die afgelope kwartaal 'n suksesvolle AJV in Augustus te Bosveld Oase net buite Brits gehad en almal het ook net lekker saam gekamp. Net jammer dat ons weer so min was wat gekamp het.

Tydens die AJV het ons verskeie van ons lede vereer met Toekenning. Ek wil hiermee aan almal kommunikeer wie almal vereer is met Toekennings:

### **Streek Meriete**

David en Stephanie Brönn, Jos Rabie, Martin Rix, Wynand en Betsie Theron, Andy Toerien en Lynette van Rensburg

### **100% Bywoning**

Andy en Janetta Toerien

### **Beste bywoningsvorderingtrofee**

David en Stephanie Brönn en Henk en Jenny Pienaar

### **Wapadrander van die jaar**

Daleen Pienaar



Soos almal seker teen die tyd weet, gaan Chris Pienaar vir die nuwe SAWA-jaar as Gebied Jakaranda se Voorsitter optree. Ons wens hom alle voorspoed toe.

Die nuwe Wapadrandbestuur lyk dus vir die volgende jaar soos volg:

Voorsitter: Martin Rix

Ondervoorsitter: David Brönn

Penningmeester: Lynette van Rensburg

Sekretaresse: Janetta Toerien

Addisionele lede: Daleen Pienaar

Christo Bezuidenhout

Nie amptelike lede: Andy Toerien (Senior Burger Verteenwoordiger)

Stephanie Brönn (Hantering van verjaarsdae en huwelikshedenkings)

Lede moet asb. die vrymoedigheid neem om enige van die Bestuur te nader indien hy of sy meer te wete wil kom oor wat in die Streek gebeur.

Tydens die AJV is die volgende kampe vir 2023 dan ook goedgekeur:

Januarie,	13-15 – Kokoriba
Februarie,	10-12 – Mbizi
Maart,	17-21 – Reilynn
April,	6-10 – Presidente
Mei,	19-21 – JaJaJa
Junie,	23-25 – Weesgerus
Julie,	28-30 – Manyane
Augustus,	18-20 – AJV, Klein Paradys, Brits
September,	15 – 17 – Willem's Rus
Oktober,	20-22 – Dube
November,	17-19 – Sondéla

Dankie weereens vir almal se insette. Met so 'n lekker kampjaar wat voorlê, kom ons probeer om weer aktief te kamp en ook om soveel as moontlik nuwe lede aan te spoor om saam te kom kamp.

Baie geluk ook aan die nuwe Bestuur. Ondersteun asb. die bestuur en lewer julle insette oor hoe ons die jaar 'n wonderlike belewenis kan maak.

Die Streek het weer besluit om die kerkkollekte wat ingesamel word Sondag aan Huis Horison te skenk. Ek wil egter 'n beroep op al ons lede doen wat dalk nie die kampe kan bywoon nie, om wel maandeliks 'n inbetaling in die kas te doen vir Huis Horison. Meld net dat dit vir Huis Horison is. Hulle het geldelike hulp en nie-bederfbare items dringend nodig. Gee die laasgenoemde in by enige Bestuurslid en ons sal sorg dat dit by Huis Horison uitkom.

Met die laer hoeveelheid lede wat kamp, is besluit om slegs agt (8) staanplekke te bespreek in 2023. Met die druk waaronder ons is by oorde om deposito's te betaal en die volle som van bespreekte plekke te vereffen lank voor die tyd, is daar besluit dat lede 'n maand voor die kampdatum moet aandui of hulle gaan kamp. Hulle moet dan 50% van die kampgeld betaal en twee weke voor die kamp die res vereffen. Ek wil graag almal se samewerking in die verband vra.

Laastens, aan ons Hemelse Vader, dankie vir nog 'n SAWA-jaar wat verby is en die voorreg om te kon kamp en die natuur te geniet. Alles bly genade uit Sy hand ontvang!

Groete MARTIN



# Jeug

Ons jeug is maar min maar ons is baie trots op hulle. Feitlik elkeen van ons jeug het hierdie afgelope kwartaal presteer.

Chrisjan Pienaar was algeheel Tweede in Mnr en Mej Hoërskool Centurion se Cleopatra Kompetisie wat voor 'n groot gehoor met heelwat bekende beoordelaars geskitter het. Chrisjan het ook die prys gewen vir Mnr Persoonlikheid. Verder het hy en sy dansmaat vir die aand se Dans deurgedring na die Super theatre waar hulle ook opgetree het. Geluk Chrisjan



Chrisjan was een van die skool se Top 5 seuns waaruit die Hoofleiers gekies is. Chrisjan is hoofleier van Geestelike versorging Portefeulje en klasleier vir volgende jaar



## JEUG

Veels geluk aan Wynand wat aan die UWH (Under water Hockey) Worlds deelgeneem en so sy land verteenwoordig het.



Nicola Rabie is ook tot haar skool Hoërskool Eldoraine se Onderhoofdogter en Sosiaal verkies. Pragtig Nicola!



Verder het Nicola weer presteer op die netbalbaan.

Nicola was die Kapteine van hulle skool se O/17 A span wat tot op die SA's deurgedring het en 'n algehele 4de plek behaal het.



## Seniors



Ek lees onlangs 'n artikel wat gaan oor wat 'n senior nou eintlik is. Die skrywer het tot die slotsom gekom dat dit net is hoe jy voel na sestig en nie te konsentreer op die ouderdom van 60 nie. Die facebookgroep "Senior Kampeerdere" se ouderdom is weer 55. By Wapadrand het die 60 syfer ook geen invloed nie aangesien 'n hele klompie van die mense steeds nog ekonomies aktief is. Terwyl dit goed gaan met die meeste van die seniors is daar tog van ons lede wat tans baie swaar kry en ons gebede is met julle vir beterskap. Die lede het gevra dat hulle name nie nou al geplaas word nie. Ons wens al ons seniors net die beste toe en glo dat die Here sy hand oor almal sal hou.

Andy



## Maklike en kreatiewe kombuiswenke!

Steek rou spaghetti in die worsies en kook dan soos gewoonweg vir 'n interessante variasie.




Druk verskillende sjokolades in frambose vir 'n lekker verrassing.



Vul 'n ysbakkie met gesmelte sjokolade, pak aarbeie in en laat afkoel vir 'n heerlike nagereg. Bedien saam met roomys.



Interessante vorms uit waatlemoen!



## Toekennings



Daleen Pienaar Wapadrander van die Jaar



*Andy en Janetta Toerien 100% bywoning*



David en Stephanie Brönn—Beste Bywoningsvordering



## Bosveld Oase– AJV

Afgesien van die feit dat ons tegnies in die Winter gaan kamp het, het die groen gras van die oord ons weer baie welkom laat voel. Vir die eerste keer het ek en Tersia eerste van die Wapadranders by die oord opgedaag, iets wat ons nou al vir 'n rukkie probeer bereik, maar Gerrie en Rina spring ons elke keer voor. Gou het ons opgeslaan en 'n vuurtjie aangesteek om die middag 'n worsie te braai.

Die Bestuur was Kampkoördineerders vir die naweek, maar Vrydagaand het Andy en Janetta en Chris en Daleen reggestaan om ons te bedien met kerrie en rys.

Saterdagoggend was die AJV wat ons onder 'n kleinerige grasdak gehou het en daarna is ons bederf met muffins en iets warm om te drink. Saterdagoggend het ons die gebruikelike saambraai gehou en weer vele slaai om van te kies en te keur.

Sondagoggend het ons na 'n preek geluister en daarna die gebruikelike bederfies van koek en tee en koffie.

Dankie vir elkeen wat daar was en die naweek 'n baie lekker saamkuier-naweek gemaak het. Tot ons weer mekaar raak kamp!  
Groete



## ALMEGA KAMP



Kampvure word aangesteek. Almal braai saam.



*Erediens onder die bome soos net Sawanante kan!*

Hoe heerlijk was dit om weer 'n spannetjie kinders in die kamp te hê! Rudi, Beat, JG, Rubey en Ella, Reinardt se broer en sy gesin, het saam gekamp. Rubey is glad nie skaam nie. Sý klim op haar persoonlike seepkissie, (die woonwatrappie) en sing en *perform* haar hart uit. As die liedjies min raak, maak sy haar eie.

Dit was ook weer lekker om met vriende wat ons nie so dikwels sien nie, saam te kuier. Seppie, Geraldine, Kobus en Amanda, ons hoop julle kamp gou weer saam!

Dit was uitsonderlik warm. Dankie tog vir die lekker koelgebome. Beurtkrag het ook gemaak dat mens nie eers 'n waaier kon aansit nie.

Ons het heerlijk om die braaivleisvuur gekuier en weereens het die tafel gekreun onder die bykosse. Dit is darem lekker om net te kan skeep! Baie dankie aan elkeen vir julle bydrae.

Sondagoggend na die erediens tydens die voorsitterstee, was dit 'n voorreg om vir die eerste keer die welkomgeskenkie aan die gaste te oorhandig.



Rudi en Beat du Plessis



## Ons “narrow boat” (woonwa op die water) vakansie.

Op Vrydag 16 September 2022 het ek, Dawie, Martha en Marelize vir “Sir Ulfius” ontmoet by Countrywide Cruisers se basis in Brewood op die Shropshire Union Canal in Engeland se midde-lande.

Ek was dadelik verlief op die Sir met sy lang slanke bou.

Met ons aankoms by Countrywide Cruisers se kantoor is ons aangesê om al ons tasse en sakke in Sir Ulfius se kassies uit te pak. Daar is nie plek vir onnodige bagasie nie!

Sir Ulfius se binne-dekor was knus en smaaklik. Sy twee badkamers, twee dubbelbeddens, rakkies en hangplek vir klere, kombuisie en sitbank met ‘n tafel was perfek vir ons behoeftes. Die gangetjie is so smal dat mens dwars moet draai om te beweeg.

Vir ongeveer 2 ure het ons opleiding gekry hoe om Sir Ulfius te hanteer en al die moets en moenies van ‘n boot op ‘n smal kanaal. Ons is ook geleer wat om te doen sou iemand in die kanaal beland.

En toe is ons oppad met ons eie “narrow boat”.

Heel agter op die boot is die stuurstang. Draai die stang links dan draai die boot se voorkant regs.

Draai die stang regs dan draai die voorkant links. Net daar dop ek toe die toets.

Dawie, Martha en Marelize was gou bedrewe met die hantering en bestuur van die boot en het mekaar gereeld afgelos.

Die maksimum spoed is 4 myl per uur. ‘n Lekker vinnige stappie. Naby ander bote en brûe is die spoed 2 myl per uur. Sodra ons te vinnig beweeg het, het die mede “narrow boaters” dadelik kapsie gemaak met gebare en vreemde woorde. So in die verbygaan en by die “logs” kon ons lekker met ons mede “narrow boaters” gesels.

Die eerste “log” was ‘n uitdaging, maar na ongeveer 36 “logs” was Martha en Marelize heeltemal bedrewe met die oopmaak en toemaak van die onderwaterhekke en die opvul of uitlaat van die water binne ‘n “log”.

“Logs” is gebou waar die watervlak van die kanaal verander. Soms hoër en soms laer.

Die “narrow boats” word meestal vir ontspanning gebruik. Daar is egter heelwat mense wat permanent in die bote bly. Die permanente “narrow boaters” ken mens uit aan die houers met blommetjies of kruieplantjies op die dak van die boot. Soms was daar ook ‘n kat of ‘n hond wat lekker gemaklik die wêreld vanaf die boot se dak bekyk.

Die eerste aand het ons by Wheaton Aston geanker. Om te anker is ook weer spanwerk. Sodra die boot teen die wal stamp, klim twee passasiers af om die voorste en agterste ankertoue deur ‘n ring op die wal te ryg en dan weer met ‘n spesiale knoop op die boot vas te maak. Daarna het ons by die “pub” in Wheaton Aston gaan eet. So ‘n Engelse “pub” het sy eie kultuur en Engelse gevoel.

Kaptein Dawie het vroeg in die oggende, sodra die son op was, die boot aan die gang gekry.

Die voëllewe in en om die kanaal vroeg in die oggend was so mooi. Eende en wit swane het voor die boot geswem. Die swane het gereeld langs die boot kom vra vir kos. Die wit swane behoort almal aan die Britse koningshuis en is beskermde wild. Langs die kanaal het ons partykeer by ‘n plaas geanker, afgeklim en gekyk wat op die plaas gedoen word; hoofsaaklik beeste en skape gesien. Langs die kanale groei ook allerhande bessies en groen suur appeltjies. Ons het hande vol bessies geëet. Ek het een oggend vir ons van die suur appeltjies gekook vir ontbyt.

Baie mense stap langs die kanaal, altyd met een of ander hondespesie aan ‘n leiband.

Die dorpies langs die kanaal was ook besonders; altyd ‘n “pub”, ‘n kerk en ‘n Co-Op – dit is ‘n winkel waar ons kruideniersware kon koop. Die huise is meestal in die ou Engelse boustyl, daar is ook heelwat meer moderne huise. Die dorpe waar ons afgeklim het was Wheaton Aston, Gnosell, Market Drayton, Audlem en Nantwich. By Market Drayton het ons ‘n straatmark gekry waar ek, Martha en Marelize aandenkings kon koop. Dawie het ‘n vendusie waar die boere beeste verkoop het, byge- woon. Die Dinsdagmiddag moes ons by Nantwich omdraai en met ons terugtog begin.

Kaptein Dawie het toe in die kanaal beland terwyl hy aan diens was by die stuurstang. Ek glo julle sal die storie in detail op ‘n kamp hoor. ‘n Man wat langs die kanaal gestap het, het gehelp om Dawie uit te kry.

Te gou het Donderdagmiddag aangebreek en ons moes vasmeer by Brewood. Ons het ons tasse en sakke gekry en al ons goed weer teruggepak. Donderdagnag was ons laaste slaap in Sir Ulfius. Vrydagoggend was ons vroeg op en die man van Countrywide Cruisers was te gou daar om Sir Ulfius se sleutels by ons te kry. Met seer harte het ons vir Sir Ulfius gegroet. Dit was sewe wonderlike dae op die kanaal.

Ek kan so 'n "narrow boat" vakansie aanbeveel. Net so lekker soos om met 'n woonwa te toer met al die mooi van die Engelse platteland.

Bettie



**Lief:**

Nicola Rabie is kapteine van die o/17A netbalspan van Centurion vir die SA kampioenskappe, een van enigste 2 skole in Pretoria.

Chrisjan Pienaar is 2de in die kompetisie vir Mnr en Mej Hoërskool Centurion, en wen ook die Mnr Persoonlikheid afdeling

Daleen Pienaar se dogter en haar man, Helen en David Bowrin, emmigreer op 1 November 2022 na Belgrade in Servia.

Wynand Pienaar neem deel aan 'n nasionale onderwaterhokkie byeenkoms teen verskeie ander lande.

Chrisjan Pienaar is onder die top 5 seuns waaruit die hoofseun en onderhoofseuns gekies word.

**Leed:**

Johan Viljoen het 'n kwaadaardige bringewas.

Vernon en René Müller se seuntjie, Liam, het sy sleutelbeen gekraak met 'n val en daarna het 'n gewas in die skouertjie ontwikkel. Laasgenoemde kan eers behandel word as die been genees het.

Ons het die hartseer beleef om 'n Sawanant aan die dood af te staan. Suzette Bester sterf onverwags. Baie sterkte aan haar familie.

## Verjaarsdae

Christo Bezuidenhout	1 Julie
Ruan Bezuidenhout	1 Julie
Ron Velloen	2 Julie
Zané du Plessis	2 Julie
Gerrit Theron	11 Julie
Eduan van Rensburg	13 Julie
Geraldine Müller	21 Julie
Sonja Viljoen	22 Julie
Nadia van Rensburg	27 Julie
Ursula Van Schalkwyk	3 Augustus
David Brönn	4 Augustus
Anita Theron	5 Augustus
Willie Troskie	14 Augustus
Elza Hattingh	30 Augustus
Logan Müller	17 September

## Huweliksherdenkings

Jenny & Henk Pienaar	2 Julie	28 Jaar
Joey & Ron Velloen	6 Julie	48 Jaar
Lynette & Reinardt Van Rensburg	2 September	27 Jaar
Natasjha & Piet Du Plessis	6 September	25 Jaar
Stephanie & David Brönn	16 September	22 Jaar
Anita & Gerrit Theron	24 September	34 Jaar

## Wapadwinkel

Kom verkoop jou produkte by Wapadrand se winkel: gebak, handwerk, enige ander produk. Die winkel doen elke kampnaweek besigheid en jy kan selfs bestellings plaas. Ons adverteer ook op 'n WhatsApp-groep.



Kontak Daleen: 082 848 7478

## SAWA Wapadrand Jaarprogram 2022

SAWA Wapadrand Jaarprogram 2022										
2022 Kampnaweke					2022 Kampplekke			Plekke		Bestuurslid/ Kampkomman-
Januarie	7-9	14-16	21-23	28-30	Reinhardt se plek	10	Daleen en Chris			
Februarie	4-6	11-13	18-20	25-27	Jajala	10	Janetta			
Maart	4-6	11-13	18-21	25-27	Afsaal	10	Martin			
April	1-3	8-10	14-18	22-24	Presidente					
Mei	6-8	13-15	20-22	27-29	Buffespoort	10	Daleen en Chris			
Junie	3-5	10-12	17-19	24-26	Klein Kariba	10				
Julie	1-3	8-10	15-17	22-24						
Augustus	5-7	12-14	19-21	26-28	Bosveld Oase	10	Bestuur			
September	2-4	9-11	16-18	23-25	Almega	10	Daleen en Chris			
Oktober	7-9	14-16	21-23	28-30	Dinokeng oord	10	David			
November	4-6	11-13	18-20	25-27	Drie Berge	10	Bestuur			
Desember	2-4	9-11	15-18	23-27						
				30-1						